

111 年全國語文競賽原住民族語朗讀 【鄒語】 高中學生組 編號 1 號

m'ea bonu ci hicu

pano mosola conoemoo. lahe aacnia sonu'va to pangka 'o lahe ongacvi.  
hocu uhto ezoyu ho yahioa. aacni ho micu maine'e ho micu 'eopsi. la acnicu  
uk'ana 'o oho ongacvi ci 'oanu. la acuhu mau'no'na'o 'omo conoemoo.  
ohecu akoevano 'ucea asansana na a'a'ausnasi. micu tousvuvutu ho yainca  
te cihi nante ma'na'o ta emoo. ho aiti zou alu sia nala oasoe tola ongacvi  
ci 'oanu. inemio. 'e mocmo mo maine auyusi ho oepungu otaseoni hocu  
uhne ezoyu ho yahioa. ac'uhu to av'u 'omo fiho. micu totoefungu to f'uf'u  
to hopo 'o mo ma'na'o to emoo. amzocni ho totea 'ola huhucmasi oasoe.  
micu amzo aomane. uk'a ci ake'i a'a'ausna. isi yainca nokoesi tomo  
totoefungu to hopo, asonu o'ate uhtan'e maitan'e 'ola leoasoe. a'vinano  
a'umtu a'hupsonu homo nof'uf'u ta hopo. moezu emoyafo ho biavovein'a.  
seolano ma'to'thungu.

akameosu. isi aiti 'o ohola efo'a to 'ayumona to emoo, ci nia 'oahngu  
homo i'mi to cea ho yuyafo. a'vinano yonto emoo ho biavovei ho  
meua 'oanu. moc'o na'no kuehoi ho enghova 'o sapcisi. na'no mismoyoa.  
aiti ho isi aueva patmuta 'o moso supeopehu to cea ci naveu. isi cu  
oepunga mon'a i'vaho teu'tu'tumu no ntesi peela ana. at'inghi ohe cu'so

ae'mua fanga 'o 'oanu. ko'kono i'o hicu o'ana mo elu no ntesi peela ana  
ci 'oanu.

homo o'tena elu no tesi ana 'o hicu. aiti ho micu uhto yaa pupuzu ho  
yusuhngu. mainci iachia chua 'o fou to t'angosi ho ana. i'o moso totoefungu  
to hopo ci hahocngu. mohcu anana'o na'no ngoheungeu. ho isi aiti 'e mo  
maica ci a'a'ausna. mion'a ausuhcu yam'um'i ho kuici ngoheungeu. o'te  
a'hupsonu smo'ue'uyu 'o t'ango ho i'o hisisi. alu tmunoi homo  
sihsikeukeu 'o hisisi. isi talui to moso meua 'oanu ci hicu. ta'unana micu  
yuovei 'o av'u. micu aupcio yumeumu ne cea. mohcu acuhu maine'e 'o  
moso e'ohu. i'e moso yonta emoo. mon'a engha ngoheungeu, smo'u'uyu  
ho eusvuta 'e ohsi aiti ci isi smoyoa ci a'a'ausna. ihecu talui ho toehunga  
taunona'vu. ahoi ne mio ohecula cohivi teela p'ani 'o mohcula mcoi  
ci 'oahngu.

i'o ohola ti'a'auna ta cou. ohola efo'a to aukukuyungu to pupuzu 'o  
mohcula mcoi ci 'oahngu. at'inghi o'a ohos'ala p'ani 'o mohcula mcoi. ahoi  
ne mio. 'e cou ohecula ahoza yainca teela p'ani 'o micu mcoi ac'uhu  
maitan'e.

111 年全國語文競賽原住民族語朗讀 【鄒語】 高中學生組 編號 1 號

亡魂（hicu）索食

有戶人家每天把吃剩的食物放在桌上後，便去工作。傍晚回來時發現食物都沒有了，大家想查出原因，決議留一個人在家，以便查看是誰偷吃飯菜。這天，其他人去工作，留守的人躲在床底下，等候偷吃的人。突然，他看到埋在地底下的已逝親人從土裡走出來，在屋子裡尋找食物。這人面孔消瘦，臉呈綠色，模樣可怕。他撿起地上的飯粒，再找其他食物，但他們已把食物收起來，亡魂找不到食物。他坐到火爐旁，用餘燼烤自己的腳肉吃。

藏在床底下的人看到驚嚇不已，兩腿及牙齒不停顫抖發出響聲。亡魂聽見以為是狗回來，急忙鑽入地下。

其他家人回來後，留守的人講述一遍經過。大家都覺得很不可思議，於是開始對已逝親人供祀食物，以免亡魂又出來索食。

從前鄒族將已逝親人葬在屋內火爐四周的地穴裡，且不供祀死者食物，自從這件事後，鄒族便有以食物供祀的習俗，流傳至今。